

O‘zbekiston Respublikasi
Suv xo‘jaligi vazirligining
2024-yil 15-oktabrdagi
210-sonli buyrug‘ining
ilovasiga asosan tasdiqlangan

**O‘zbekiston Respublikasi Suv xo‘jaligi vazirligi huzuridagi
Jamoatchilik kengashi to‘g‘risidagi
NIZOM**

I bob. Umumiy qoidalar

1.1. Mazkur Nizom O‘zbekiston Respublikasi Prezidentining 2018-yil 4-iyuldagi “Davlat boshqaruv organlari huzurida Jamoatchilik kengashlari faoliyatini tashkil qilish to‘g‘risida”gi PQ-3837-sonli qaroriga muvofiq ishlab chiqilgan bo‘lib, O‘zbekiston Respublikasi Prezidentining 2020-yil 16-apreldagi “O‘zbekiston Respublikasi Prezidenti huzuridagi Jamoatchilik palatasini tashkil etish to‘g‘risida”gi PF-5980-sonli Farmoni, 2024-yil 26-avgustdagi “Fuqarolik jamiyati institutlarini davlat tomonidan qo‘llab-quvvatlash tizimini yanada takomillashtirish chora-tadbirlari to‘g‘risida”gi PF-124-sonli Farmoni asosida qayta ishlab chiqilgan hamda qo‘shimcha va o‘zgartirishlar kiritilgan.

1.2. O‘zbekiston Respublikasi Suv xo‘jaligi vazirligi huzuridagi Jamoatchilik kengashi to‘g‘risidagi nizom (keyingi o‘rinlarda – Nizom) O‘zbekiston Respublikasi Suv xo‘jaligi vazirligi huzuridagi Jamoatchilik kengashining (keyingi o‘rinlarda – Jamoatchilik kengashi) asosiy vazifalari, funksiyalari, vakolatlari va faoliyatini tashkil etish tartibini belgilaydi.

1.3. Jamoatchilik kengashi o‘z ishini jamoatchilik asosida olib boradigan, doimiy faoliyat yurituvchi maslahat-kengash organi hisoblanadi.

1.4. Jamoatchilik kengashi O‘zbekiston Respublikasi Suv xo‘jaligi vazirligining (keyingi o‘rinlarda – vazirlik) markaziy apparati huzurida tashkil etilgan va uning faoliyati vazirlikning barcha hududiy bo‘linmalari hamda tasarrufidagi tashkilotlariga tatbiq etiladi.

1.5. Jamoatchilik kengashi O‘zbekiston Respublikasi Suv xo‘jaligi vazirining buyrug‘i (qarori) bilan tashkil etiladi.

1.6. Jamoatchilik kengashining qarorlari tavsiyaviy ahamiyatga ega.

1.7. Jamoatchilik kengashi o‘z faoliyatida O‘zbekiston Respublikasining Konstitutsiyasi va qonunlariga, O‘zbekiston Respublikasi Oliy Majlisi palatalarining qarorlariga, O‘zbekiston Respublikasi Prezidentining farmon, qaror va farmoyishlariga, O‘zbekiston Respublikasi Prezidenti huzuridagi Jamoatchilik palatasining qaror va topshiriqlariga, O‘zbekiston Respublikasi Vazirlar Mahkamasining qaror va farmoyishlariga, mazkur Nizomga hamda boshqa qonun hujjatlariga amal qiladi.

1.8. Jamoatchilik kengashi to'g'risidagi nizom va unga kiritiladigan qo'shimcha va o'zgartishlar O'zbekiston Respublikasi Suv xo'jaligi vazirining buyrug'i asosida amalga oshiriladi.

II bob. Jamoatchilik kengashining asosiy vazifalari, funksiyalari, huquqlari va majburiyatlari

2.1. Quyidagilar Jamoatchilik kengashining asosiy vazifalari hisoblanadi: davlat, fuqarolar va fuqarolik jamiyati institutlarining mamlakatni yanada jadal va har tomonlama rivojlantirishga qaratilgan sa'y-harakatlarini birlashtiruvchi zamonaviy shakldagi tizimli hamda samarali muloqotini yo'lga qo'yish hamda ularning ijtimoiy manfaatlari kelishilishini ta'minlash;

fuqarolarning davlat va jamiyat ishlaridagi ishtirokini faollashtirishga hamda davlat-xususiy sheriklikning zamonaviy mexanizmlarini joriy etishga ko'maklashish;

aholi fikrini tizimli o'rganib borish, joylarda va suv xo'jaligi sohasida aholini, fuqarolik jamiyati institutlarini hamda jamoatchilikni tashvishlantirayotgan dolzarb masalalarni muhokama qilish, shuningdek, ularning yechimi bo'yicha O'zbekiston Respublikasi Suv xo'jaligi vaziriga tegishli normativ-huquqiy hujjatlarni ishlab chiqish bo'yicha takliflar kiritib borish;

ilmiy-ekspert guruhlarini ishtirokida fuqarolik jamiyatini rivojlantirish sohasida fundamental va amaliy tadqiqotlar olib borish yuzasidan tashabbus ko'rsatish, bu boradagi davlat siyosati va uning amaliy natijalari haqidagi jamoatchilik fikrini tizimli o'rganish, umumlashtirish va tahlil qilishni tashkil etish;

fuqarolik jamiyati institutlarining davlat organlari bilan hamkorligi darajasi, ularning mamlakatni ijtimoiy-iqtisodiy rivojlantirish, jismoniy va yuridik shaxslarning huquq va qonuniy manfaatlarini himoya qilishga qo'shayotgan hissasini baholovchi ko'rsatkichlarni ishlab chiqish hamda ular asosida fuqarolik jamiyatining holati va rivojlanish tendensiyalari to'g'risida yillik milliy ma'ruzalarni tayyorlash;

O'zbekiston Respublikasi Suv xo'jaligi vazirligi huzuridagi Jamoatchilik kengashi a'zolarining shaxsiy mas'uliyati va javobgarligini kuchaytirish;

norma ijodkorligi sifatini tubdan yaxshilashga ko'maklashish, jumladan, mamlakat ijtimoiy-iqtisodiy hayotiga oid va jamoatchilikda alohida qiziqish uyg'otadigan o'ta dolzarb masalalarga doir normativ-huquqiy hujjat loyihalarini jamoatchilik ekspertizasidan o'tkazish, ularni jamoatchilik bilan maslahatlashuv va eshituvlari asosida takomillashtirishga ko'maklashish;

fuqarolar, nodavlat notijorat tashkilotlari, ommaviy axborot vositalari vakillari va bloggerlarni so'z erkinligi, fuqarolarning axborot olish va tarqatish huquqini amalga oshirish, axborot erkinligi kafolatlarini ta'minlash bo'yicha muhokamalarga jalb etish hamda mazkur masalalarga oid amaliy takliflar ishlab chiqish;

jamoatchilik nazoratining samarali tizimini shakllantirish, "Jamoatchilik

eshituv”, “Jamoatchilik ekspertizasi”, “Jamoatchilik monitoringi” kabi ta’sirchan zamonaviy nazorat shakllarini amalda joriy etish;

islohotlar va davlat dasturlarining joylarda va sohalarda amalga oshirilishi ustidan jamoatchilik monitoringini tashkillashtirish, ularni sifatli bajarish uchun qo‘shimcha choralar ko‘rish bo‘yicha tavsiyalar ishlab chiqish, erishilgan ko‘rsatkichlar, ijobiy o‘zgarishlar va mavjud muammolar to‘g‘risidagi axborotni Uzbekiston Respublikasi Suv xo‘jaligi vaziriga muntazam kiritib borish;

qabul qilinayotgan normativ-huquqiy hujjatlarda, qarorlarda, shuningdek, davlat, tarmoq va hududiy rivojlantirish dasturlarida jamoatchilik manfaatlari va jamoatchilik fikri hisobga olinishi, fuqarolarning, yuridik shaxslarning huquqlari va qonuniy manfaatlarini, jamiyat manfaatlarini himoya qilish sohasida qonun hujjatlari talablari ijrosini ta’minlash, vazirlik zimmasiga yuklangan hamda ijtimoiy va jamoatchilik manfaatlariga daxl qiluvchi vazifalar va funksiyalarni bajarish, davlat xizmatlarini ko‘rsatish, ijtimoiy sheriklik doirasida amalga oshiriladigan bitimlar, shartnomalar, loyihalar va dasturlarni ro‘yobga chiqarish bo‘yicha vazirlik va uning mansabdor shaxslarining faoliyati ustidan jamoatchilik nazoratini amalga oshirish;

birgalikda muloqot qilish, davlat organining nodavlat notijorat tashkilotlari, ommaviy axborot vositalari va fuqarolik jamiyatining boshqa institutlari bilan samarali hamkorligini ta’minlash uchun vazirlikni fuqarolar bilan bog‘lab turadigan “ko‘prik” rolini bajarish;

fuqarolarning huquqlari, erkinliklari va qonuniy manfaatlariga daxl qiluvchi eng muhim masalalar yuzasidan vazirlikning faoliyati haqidagi jamoatchilik fikrini tizimli monitoring qilish va har tomonlama tahlil qilish, sotsiologik so‘rovlar o‘tkazish, jumladan, ularni axborot-kommunikatsiya texnologiyalaridan foydalangan holda o‘tkazish;

vazirlik faoliyatida korrupsiyaga qarshi kurashish sohasidagi davlat dasturlari va boshqa dasturlarni ishlab chiqish hamda amalga oshirishda ishtirok etish, korrupsiyaga qarshi kurashish bo‘yicha olib borilgan ishlar ustidan monitoring va tahlil o‘tkazish, shuningdek, ularning natijalari bo‘yicha takliflar tayyorlash;

vazirlik faoliyatining ochiqqligini ta’minlash bo‘yicha amalga oshirilayotgan tadbirlarni monitoring qilish, uning faoliyati to‘g‘risida batafsil axborot olish imkoniyatlarini tahlil qilish, ularni yanada kengaytirish bo‘yicha takliflar ishlab chiqish;

vazirlik faoliyatini isloh qilishda fuqarolar ishtirok etishi uchun yaratilgan shart-sharoitlarni o‘rganish va ularni yaxshilash bo‘yicha takliflar ishlab chiqish;

vazirlik faoliyati bo‘yicha fuqarolar o‘rtasida o‘tkaziladigan tushuntirish ishlari va ma’naviy-ma’rifiy tadbirlarda ishtirok etish, ularning samaradorligini oshirish yuzasidan takliflar ishlab chiqish;

vazirlik xodimlari va ular oilalarining uy-joy, ijtimoiy-maishiy, xizmat shart-sharoitlarini, ularga malakali tibbiy yordam ko‘rsatish sharoitlarini, shuningdek, ishdan

bo'shatilgan yoki zaxiraga olingan xodimlarni ijtimoiy va kasbiy moslashtirish bo'yicha muammolarni kompleks tahlil qilish hamda tahlil yakunlari bo'yicha mazkur sharoitlarni yaxshilash yuzasidan takliflar kiritish;

fuqarolik jamiyati institutlari tomonidan tegishli soha va tarmoqlarda mavjud muammolarning ta'sirchan yechimini nazarda tutuvchi tashabbusli loyihalarni amalga oshirish uchun davlat ijtimoiy buyurtmasini olish to'g'risida vazirlikka kiritilgan takliflarni ko'rib chiqish va baholash.

“Yuksalish” harakatiga uning so'roviga asosan jamoatchilik kengashi faoliyatiga doir ma'lumotlarni taqdim etib borilishini ta'minlash.

2.2. Jamoatchilik kengashi o'z zimmasiga yuklatilgan vazifalarga muvofiq quyidagi funksiyalarni bajaradi:

vazirlik markaziy apparatining boshqarma va mustaqil bo'limlariga, vazirlik tasarrufidagi respublika va tizim tashkilotlarining faoliyatiga aralashmaslik prinsiplariga qag'iy rioya qilgan holda Jamoatchilik palatasi va hududiy Jamoatchilik palatalari bilan o'zaro yaqin hamkorlikni amalga oshiradi;

vazirlik faoliyatiga oid masalalar yuzasidan fuqarolar, nodavlat notijorat tashkilotlari va fuqarolik jamiyati boshqa institutlarining tashabbuslari hamda murojaatlarini ko'rib chiqishda ishtirok etadi, shuningdek, ularni ko'rib chiqish natijalari bo'yicha vazirlikka tegishli takliflar kiritadi;

vazirlikning fuqarolar, nodavlat notijorat tashkilotlari va fuqarolik jamiyatining boshqa institutlari bilan o'zaro hamkorligini tahlil qiladi, shuningdek, hamkorlikni takomillashtirish yuzasidan takliflar ishlab chiqadi;

vazirlikning nodavlat notijorat tashkilotlari, ommaviy axborot vositalari va fuqarolik jamiyatining boshqa institutlari bilai samarali hamkorligini ta'minlash uchun vazirlikni fuqarolar bilan bog'lab turadigan “ko'prik” rolini bajaradi;

fuqarolarning huquqlari, erkinliklari va qonuniy manfaatlariga daxl qiluvchi eng muhim masalalar yuzasidan vazirlikning faoliyati haqidagi jamoatchilik fikrini sotsiologik so'rovlar orqali o'rganadi va tahlil qiladi;

vazirlik faoliyatida korrupsiyaga qarshi kurashish sohasidagi davlat dasturlari va boshqa dasturlarni ishlab chiqishda hamda amalga oshirishda ishtirok etadi;

korrupsiyaga qarshi kurashish bo'yicha olib borilgan ishlar ustidan monitoring qiladi va natijalarini tahlil qilib, tegishli takliflar tayyorlaydi;

vazirlik faoliyatining ochiqqligini ta'minlash bo'yicha amalga oshirilayotgan tadbirlarni monitoring qiladi, uning faoliyati to'g'risida batafsil axborot olish imkoniyatlarini tahlil qiladi, ularni yanada kengaytirish bo'yicha takliflar ishlab chiqadi;

vazirlik faoliyatini isloh qilishda fuqarolar ishtirok etishi uchun yaratilgan shart-sharoitlarni o'rganadi va ularni yaxshilash bo'yicha takliflar ishlab chiqadi;

vazirlik faoliyati bo'yicha fuqarolar o'rtasida o'tkaziladigan tushuntirish ishlari

va ma'naviy-ma'rifiy tadbirlarda ishtirok etadi, ularning samaradorligini oshirish yuzasidan takliflar ishlab chiqadi;

vazirlik xodimlari va ular oilalarining uy-joy, ijtimoiy-maishiy, xizmat shart-sharoitlarini, ularga malakali tibbiy yordam ko'rsatish sharoitlarini, shuningdek, ishdan bo'shatilgan yoki zaxiraga olingan xodimlarni ijtimoiy va kasbiy moslashtirish bo'yicha muammolarni kompleks tahlil qiladi hamda tahlil yakunlari bo'yicha mazkur sharoitlarni yaxshilash yuzasidan takliflar kiritadi.

2.3. Jamoatchilik kengashining huquqlari:

Jamoatchilik kengashining zimmasiga yuklatilgan vazifalar va funksiyalarni bajarish uchun:

vazirlik markaziy apparatining boshqarma va mustaqil bo'limlariga, vazirlik tasarrufidagi respublika va tizim tashkilotlariga qonunlarning, davlat dasturlarining ijrosi hamda ularning vakolatlariga kiradigan boshqa muhim masalalar yuzasidan asoslantirilgan tushuntirish berish yoki iuqtai nazarini bayon etish talabi bilan **Jamoatchilik kengashi so'rovini** yuborish huquqiga ega. Buida vazirlik markaziy apparatining boshqarma va mustaqil bo'limlariga, vazirlik tasarrufidagi respublika va tizim tashkilotlari so'rovga javobni, agar boshqa muddat belgilangan bo'lmasa, u olingan kundan e'tiboran **besh kundan kechiktirmay yuborishi lozim**;

vazirlik tomonidan tashkil etiladigan ochiq Hay'at majlislari va boshqa ommaviy tadbirlar to'g'risidagi axborotni oldindan olish hamda mazkur tadbirlarda ishtirok etish;

vazirlikning, jumladan, uning hududiy bo'linmalari va tasarrufidagi tashkilotlarning binolari (xonalari) va boshqa obyektlarini vazirlik tomonidan belgilangan tartibda borib ko'rish;

vazirlik, uning hududiy bo'linmalari va tasarrufidagi tashkilotlari rahbarlariga Jamoatchilik kengashi vakolatiga kiradigan masalalar yuzasidan takliflar kiritish;

vazirlikning faoliyat samaradorligini oshirish bo'yicha takliflar va tavsiyalarni ishlab chiqish hamda amalga oshirish uchui zarur bo'lgan vazirlikning axborotlari, statistika va boshqa materiallarini belgilangan tartibda olish;

vazirlikning qonun ijodkorligi faoliyatida, vazirlik tomonidan ishlab chiqilgan normativ-huquqiy hujjatlar loyihalarining jamoatchilik va ekspertlar muhokamasini ta'minlashda ishtirok etish;

jismoniy va yuridik shaxslar murojaatlariga vazirlik tomonidan berilgan javoblarning sifatini tanlab olgan holda tahlil qilish;

vazirlik xodimlarining roziligi bilan ularning uy-joy, ijtimoiy-maishiy va xizmat shart-sharoitlari bilai tanishish;

Jamoatchilik kengashi majlislarida muhokama qilinadigan masalalarni yoritish bo'yicha ommaviy axborot vositalari bilan hamkorlik qilish;

yuklatilgan vazifalarni bajarish uchun konferensiyalar, forumlar, seminarlar,

davra suhbatlari va boshqa tadbirlarni tashkil etish huquqiga ega.

Jamoatchilik kengashi qonun hujjatlariga muvofiq boshqa huquqlarga ham ega bo'lishi mumkin.

2.4. Jamoatchilik kengashi o'z faoliyatini amalga oshirishda:

Jamoatchilik nazorati to'g'risidagi qonun hujjatlari talablariga rioya qilishi;
vazirlik faoliyati bilan bog'liq qonun hujjatlarida belgilangan cheklovlarga amal qilishi;

vazirlik va uning mansabdor shaxslarining o'z vakolatlari doirasida amalga oshiradigan faoliyatiga aralashmasligi;

vazirlik va uning mansabdor shaxslari faoliyat ko'rsatishi uchun to'sqinlik qilmasligi;

fuqarolarning or-nomusi va qadr-qimmatini tahqirlashga, ularning shaxsiy hayotiga aralashishga yo'l qo'ymasligi;

Jamoatchilik nazoratini amalga oshirish davomida olingan axborotning, agar bunday axborotni tarqatish qonun bilan cheklangan bo'lsa, maxfiyligiga rioya qilishi shart.

Jamoatchilik kengashining zimmasida qonun hujjatlariga muvofiq boshqa majburiyatlar ham bo'lishi mumkin.

III bob. Jamoatchilik kengashining tarkibini shakllantirish va ishini tashkil etish tartibi

3.1. Jamoatchilik kengashining tarkibiga uning raisi, rais o'rinbosari, kotibi va a'zolari kiradi.

3.2. Jamoatchilik kengashi a'ziligiga, qoida tariqasida, vazirlikda namunali xizmat ko'rsatgan vazirlik markaziy apparatining boshqarma va mustaqil bo'limlari, vazirlik tasarrufidagi respublika va tizim tashkilotlari rahbar-xodimlari, mehnat faxriylari, jamoatchilik faoliyati sohalarida katta amaliy tajribaga ega obro'-e'tiborli fuqarolar, shuningdek, nodavlat notijorat tashkilotlari, ommaviy axborot vositalari va fuqarolik jamiyatining boshqa institutlari vakillari qabul qilinadi.

Jamoatchilik kengashi a'zolarining soni cheklanmagan, 15 nafardan kam bo'lmagan tartibda tasdiqlanadi.

Jamoatchilik kengashi tarkibining kamida 50 foizi nodavlat notijorat tashkilotlari vakillaridan iborat tarkibda shakllantiriladi.

Jamoatchilik kengashi a'ziligiga, qoida tariqasida, vazirlikda namunali xizmat ko'rsatgan mehnat faxriylari, jamoatchilik faoliyati sohalarida katta amaliy tajribaga ega bo'lg obro'-e'tiborli fuqarolar, shuningdek, nodavlat notijorat tashkilotlari, ommaviy axborot vositalari va fuqarolik jamiyatining boshqa institutlari vakillari qabul qilinadi.

Jamoatchilik kengashining raisi fuqarolik jamiyati institutlari vakillari orasidan

tasdiqlanadi.

Jamoatchilik kengashining tarkibi O'zbekiston Respublikasi Suv xo'jaligi vazirining buyrug'i bilan har 3 yilda tasdiqlanadi.

3.1. Quyidagi holatlarda Jamoatchilik kengashining raisi, rais o'rinbosari, kotibi va a'zolari uning tarkibidan chiqarilishi mumkin:

ular tomonidan Jamoatchilik kengashi tarkibidan chiqish to'g'risida ariza berilganda;

Jamoatchilik kengashining majlislarida muntazam ravishda ishtirok etmaganda, shuningdek, ularga nisbatan chiqarilgan sudning ayblovi hukmi qonuniy kuchga kirganda;

vafot etganda, shuningdek, sudning qonuniy kuchga kirgan hal qiluv qarori asosida ular muomalaga layoqatsiz, bedarak yo'qolgan yoki vafot etgan deb topilganda.

3.2. Jamoatchilik kengashining tarkibi to'g'risidagi ma'lumotlar va unga kiritilgan o'zgartishlar ular tasdiqlangan paytdan boshlab 5 kun ichida vazirlikning rasmiy veb-sayti, Matbuot kotibining "Telegram" ijtimoiy tarmog'idagi kanali, "Fasebook" ijtimoiy tarmog'idagi "O'zbekiston Respublikasi Suv xo'jaligi vazirligi" sahifasi va ijtimoiy tarmoqlardagi boshqa resurslarida e'lon qilinadi.

3.3. Jamoatchilik kengashining raisi:

Jamoatchilik kengashining faoliyatiga umumiy rahbarlik qiladi;

Jamoatchilik kengashining majlislarini chaqiradi va kun tartibini belgilaydi;

Jamoatchilik kengashining majlislarida raislik qiladi;

Jamoatchilik kengashining ish rejasini, majlis bayonnomasini va boshqa hujjatlarini tasdiqlaydi;

Jamoatchilik kengashi qarorlarining ijrosini nazorat qiladi;

Jamoatchilik kengashi a'zolarining zimmasiga yuklatilgan vazifalarning bajarilishini muvofiqlashtiradi;

vazirlikning rasmiy veb-sayti, Matbuot kotibining "Telegram" ijtimoiy tarmog'idagi kanali, "Fasebook" ijtimoiy tarmog'idagi "O'zbekiston Respublikasi Suv xo'jaligi vazirligi" sahifasi hamda ijtimoiy tarmoqlardagi boshqa resurslarida joylashtiriladigan Jamoatchilik kengashining faoliyati to'g'risidagi ma'lumotlar, tarkibi bo'yicha takliflar kiritadi va uni O'zbekiston Respublikasi Suv xo'jaligi vaziri bilan kelishadi;

Jamoatchilik kengashi qarorlarini bajarish masalalari yuzasidan O'zbekiston Respublikasi Suv xo'jaligi vaziri bilan hamkorlik qiladi;

Jamoatchilik kengashining samarali ishlashini ta'minlash bo'yicha boshqa vakolatlarni amalga oshiradi.

3.4. Jamoatchilik kengashining raisi bo'lmagan taqdirda, uning vakolatlari va

majburiyatlarini rais o‘rinbosari bajaradi.

3.5. Jamoatchilik kengashi raisining o‘rinbosari:

rais yo‘qligida jamoatchilik kengashining majlislarida raislik qiladi;

jamoatchilik kengashi qarorlarining ijrosini nazorat qilish bo‘yicha ishlarni tashkil etadi;

fuqarolarni va yuridik shaxslarning vakillarini qabul qiladi, shuningdek, jamoatchilik kengashi faoliyatiga taalluqli murojaatlarni ko‘rib chiqish bo‘yicha ishlarni tashkil etadi;

jamoatchilik kengashining samarali ishlarini ta‘minlash bo‘yicha boshqa vakolatlarni amalga oshiradi.

3.6. Jamoatchilik kengashi kotibi:

Jamoatchilik kengashining faoliyatini uslubiy, tashkiliy-huquqiy va tashkiliy-texnik jihatdan ta‘minlash masalalarini hal qiladi;

Jamoatchilik kengashining navbatdagi majlisiga barcha zarur materiallar o‘z vaqtida tayyorlanishini ta‘minlaydi, vazirlik xodimlaridan zarur hujjatlar va ma‘lumotlarni so‘rab oladi;

kun tartibiga muvofiq Jamoatchilik kengashi majlislari o‘tkazilishini tashkil etadi;

Jamoatchilik kengashi o‘tkaziladigan sana, joy va taklif etiladigan shaxslar ro‘yxatini Jamoatchilik kengashining raisi bilan kelishadi;

Jamoatchilik kengashining a‘zolarini va taklif etilgan shaxslarni Jamoatchilik kengashi majlisi o‘tkaziladigan joy, sana va vaqt haqida xabardor qiladi;

Jamoatchilik kengashi qarorlarining ijro etilishi ustidan monitoring olib boradi va uning natijalarini jamoatchilik kengashi majlisida ko‘rib chiqish bo‘yicha takliflar kiritadi;

Jamoatchilik kengashi majlisining bayonnomasini rasmiylashtiradi va tasdiqlangan bayonnomaning jamoatchilik kengashi a‘zolari hamda boshqa manfaatdor shaxslarga jo‘natilishini ta‘minlaydi;

jamoatchilik kengashining samarali ishlashini ta‘minlash bo‘yicha boshqa vakolatlarni amalga oshiradi.

3.9. Jamoatchilik kengashining a‘zolari o‘z majlislarida ko‘rib chiqiladigan masalalarni muhokama qilish va hal qilishda o‘z vakolatlarini boshqalarga o‘tkazish huquqiga ega emas.

3.10. Jamoatchilik kengashining majlisida ishtirok etish imkoni bo‘lmagan holatlarda, uning a‘zosi majlis kun tartibidagi masalalar bo‘yicha o‘z fikrini yozma shaklda yuborishi mumkin. Bunda uning fikri majlisda ko‘rib chiqiladi va ovoz berishda hisobga olinadi.

3.11. Jamoatchilik kengashining a'zolari:

o'z zimmalariga yuklatilgan vazifalarni bajarish uchun vazirlik tomonidan tashkil etiladigan Hay'at majlislarida va boshqa ommaviy tadbirlarda ishtirok etadi;

Jamoatchilik kengashi ish rejalarining loyihalarini tayyorlaydi, ularni Jamoatchilik kengashida ko'rib chiqish uchun kiritadi va tasdiqlangan ish rejalari bajarilishini ta'minlaydi;

vazirlik faoliyatining samaradorligini oshirish bo'yicha takliflar va tavsiyalarni ishlab chiqishda hamda amalga oshirishda qatnashadi;

vazirlik xodimlari, ularning oila a'zolari bilan uchrashuvlar o'tkazadi va ularning huquqlari, erkinliklari hamda qonuniy manfaatlarini ta'minlash bo'yicha takliflarni Jamoatchilik kengashiga kiritadi;

Jamoatchilik kengashining kun tartibiga kiritilgan masalalar yuzasidan tahliliy materiallar tayyorlaydi;

Jamoatchilik kengashining vakolatiga kiradigan masalalar bilan bog'liq murojaatlarni ko'rib chiqadi va natijalari bo'yicha tegishli hujjatlarni tayyorlaydi;

Jamoatchilik kengashining zimmasiga yuklangan vazifalar va funksiyalarga muvofiq boshqa vakolatlarni amalga oshiradi.

3.12. Jamoatchilik kengashi faoliyatining asosiy masalalari uning majlisida ko'rib chiqiladi. Jamoatchilik kengashining majlisi uning ish rejalari asosida har chorakda kamida bir marta chaqiriladi.

Jamoatchilik kengashining raisi Jamoatchilik kengashi a'zolarining uchdan bir qismining yozma murojaati asosida uning navbatdan tashqari majlisini chaqirishi mumkin.

Jamoatchilik kengashining majlislariga boshqa davlat organlari, nodavlat notijorat tashkilotlari va fuqarolik jamiyati institutlarining vakillari taklif etilishi mumkin.

Jamoatchilik kengashi majlisi kun tartibining loyihasi kotib tomonidan Jamoatchilik kengashi a'zolarining takliflari va Jamoatchilik kengashi raisining topshirig'i asosida shakllantiriladi.

Jamoatchilik kengashining majlisini uning raisi olib boradi. Rais ishtirok eta olmagan holatlarda, majlisni uning o'rinbosari olib boradi.

Jamoatchilik kengashining majlisida O'zbekiston Respublikasi Suv xo'jaligi vaziri, uning o'rinbosarlari va boshqa xodimlar ishtirok etishi mumkin.

Jamoatchilik kengashining majlisi, agar unda Jamoatchilik kengashi a'zolarining kamida uchdan ikki qismi (kvorum) ishtirok etgan takdirida vakolatli hisoblanadi.

Majlisni o'tkazish uchun kvorum shakllanmagan taqdirda, Jamoatchilik kengashining yangi majlisi o'tkaziladigan sana e'lon qilinadi.

Jamoatchilik kengashining qarori majlisda ishtirok etayotgan Jamoatchilik kengashi a'zolarining oddiy ko'pchilik ovozi bilan qabul qilinadi.

Jamoatchilik kengashining har bir a'zosi qabul qilinadigan qarorlar bo'yicha o'zining fikrini yozma shaklda ifodalashga haqli. Uning fikri Jamoatchilik kengashi majlisining bayonnomasiga majburiy tartibda qo'shib qo'yiladi.

Jamoatchilik kengashining majlisida qabul qilingan qaror bayonnoma bilan rasmiylashtiriladi. Jamoatchilik kengashi majlisining bayonnomasi kotib tomonidan imzolanadi, majlisga raislik qiluvchi tomonidan tasdiqlanadi va uch kun muddatda O'zbekiston Respublikasi Suv xo'jaligi vaziriga, Jamoatchilik kengashi a'zolariga va manfaatdor shaxslarga yuboriladi.

Jamoatchilik kengashining qarorini tezlik bilan qabul qilish zaruriyati tug'ilganda, uning raisi tashabbusi bilan qaror Jamoatchilik kengashining a'zolari bilan kelishilgan holda so'rov yo'li bilan qabul qilinishi mumkin.

Vazirlik organi Jamoatchilik kengashining qabul qilgan qaroriga qo'shilmagan hollarda, Jamoatchilik kengashining qarorini olgan kundan boshlab o'n kundan kechikmay unga asoslantirilgan e'tirozini yozma holda yuboradi.

Jamoatchilik kengashining kotibi kengash a'zolari ko'magida Jamoatchilik kengashi qarorlari ijrosining borishini o'rganadi va ko'rib chikadi, zarur bo'lgan hollarda, Jamoatchilik kengashining raisiga tegishli takliflar kiritadi.

IV bob. Jamoatchilik kengashi faoliyati samaradorligini baholash va faol a'zolari moddiy rag'batlantirish

4.1. Har yili jamoatchilik kengashining faoliyati samaradorligi baholanadi va uning natijalari e'lon qilinadi;

jamoatchilik kengashining faol a'zolari vazirlikning budjetdan tashqari mablag'lari hisobidan moddiy rag'batlantirib boriladi.

V bob. Yakunlovchi qoidalar

5.1. Jamoatchilik kengashining faoliyatini moddiy-texnik jihatdan ta'minlash vazirlik tomonidan, shuningdek, qonun hujjatlarida taqiqlanmagan boshqa manbalar hisobidan amalga oshiriladi.

5.2. Jamoatchilik kengashining faoliyati uning nizomiga va O'zbekiston Respublikasining qonun hujjatlariga muvofiq ekanligi O'zbekiston Respublikasi Prezidenti huzuridagi Jamoatchilik palatasi hamda vazirlik tomonidan nazorat qilinadi.

5.3. Jamoatchilik kengashining faoliyati bilan bog'liq qarorlari ustidan belgilangan tartibda shikoyat qilinishi mumkin.